



Drejtoria për Inspekcione

10 Nr. _____ /2024 Dt. 16 / 01 /2024

Për : Kryetarin e komunës së Deçanit- Bashkim Ramosaj,

Nga: Drejtori i Drejtoratit të Inspektionit-Halil Tolaj

Lënda: Plani i punës së Drejtoratit për Inspekcione për vitin 2024

Datë: 16.01. 2024

Inspektorët e Drejtoratit Komunal për Inspekcione secili nga lëmi përkatëse gjatë vitit 2024 do të kryejnë çdo dit, në mënyrë të pavarur, çoftë në zyre apo drejtpërdrejt në teren detyrat dhe përgjegjësit që dalin nga ligjet e aplikueshme dhe aktet tjera nënligjore me të cilat rregullohet mbikëqyrja inspektuese sipas fushe veprimtarive përkatëse.


Përmes përcjelljes së gjendjes bëjnë propozimin e masave për përmirësimin e gjendjes në teren në teritorin e komunës në të gjitha lëmit nga fushë veprimtaria e Drejtoratit, Qëllimi parësorë i punës së stafit të Drejtoratit do të jetë rritja e efikasitetit dhe të transparencës si dhe forcimi i besimit të qytetarëve dhe subjekteve afariste në qeverisjen komunale.

Inspektorët përkatës përmes mbikëqyrjes inspektuese bëjnë zgjidhjen e çështjeve administrative si organ i shkallës së parë.

Ligjet dhe aktet nënligjore sipas fushë veprimtarive, por duke mos përjashtuar edhe orientimet strategjike të Ekzekutivit Komunal, do të jenë norma mbështetëse e punës së inspektorëve sipas lëmive përkatëse.

Plani vjetor i mbikëqyrjes inspektuese përmban një pasqyrë të përgjithshme të punëve dhe detyrave të inspektorëve komunal për vitin 2024, në implementimin e drejtpërdrejtë të ligjeve, akteve tjera nënligjore, rregulloreve dhe vendimeve komunale si dhe përcjelljes së gjendjes në territorin e Komunës së Deçanit nga fushe veprimtaria e secilit inspektor komunal.

Inspektimet e rregullta do të kryhen çdo ditë sipas planit të inspektoreve, kurse sipas nevojë dhe kërkesave të paraqitura, kryhen edhe inspektime të jashtëzakonshme.



Në raste të caktuara do të kryhen edhe inspektime plotësuese dhe kontrolluese me qëllim të përcjelljes së plotësimin të rekomandimeve paraprake të inspektorëve. Inspektimet e pa planifikuara do të insistohet që të kryhen të njëjtën ditë të parashtrimit të kërkesës së qytetarit, subjektit apo të ndonjë organi tjetër me qëllim të parandalimit të dukurisë e cila bie ndesh me ligjet dhe aktet tjera normative nga lëmi përkatës. Inspektorët përparësi do të ju japin vizitave këshillëdhënëse, ku subjektet e mbikëqyrura do të njoftohen me dispozitat ligjore përkatëse, plotësimet dhe ndryshimet eventuale të tyre dhe do ju japin këshilla profesionale si masë parandaluese, duke mos përjashtuar lëshuarjen e aktvendimeve për ndalimin e aktiviteteve jashtë ligjore apo edhe ndërmarrjen e veprimeve ndëshkimore në harmoni me Ligjet përkatëse.

Në kuadër të Drejtoratit veprojnë këta Inspektor:

- Inspektori i tregut,
- Inspektori i mbrojtjes së ambientit.
- Inspektori i Ndërtimit (i angazhuar me kontrate me kontratë mbi shërbimet e veçanta),
- Inspektori i veterinarisë (i angazhuar me kontratë mbi shërbimet e veçanta)

Përveç punëve dhe detyrave të punëve sipas ligjeve dhe akteve tjera nënligjore përkatëse të përcaktuara për Inspektorët Komunal, të njëjtit do të bashkëpunojnë ngushtë edhe me inspektorët e nivelit qendror nga Ministrit e linjës.

Detyrë parësore e inspektorëve do të jetë që në afatin më të shkurt të mundshëm do të ju përgjigjen kërkesave të qytetarëve dhe organeve qendrore dhe komunale.

Për të njëjtat do të mbajnë evidencë zyrtare, do të ju përgjigjen palëve dhe do të raportojnë në organet përkatëse.

Gjate vitit 2024 Drejtorati për Inspekcione, gjegjësisht inspektorët sipas fushe veprimtarive përkatëse kryesisht do të zhvillojnë aktivitetet si vijon:

Aktiviteti	Koha	Bartësi
Koordinimi i aktiviteteve ndër-inspektoriale (tregut, ndërtimit, mjedisit, veterinarisë).	Çdo fillim jave.	Të gjithë inspektorët
Kontrollimi i produkteve për tregtim të artikujve ushqimor dhe jo-ushqimor, theksimi i çmimeve të mallrave të dedikuara për treg.	Së paku njëherë në muaj dhe sipas ankesave të konsumatorëve	Inspektori i Tregut

<p>Mbikëqyrje parandalim të ndotjes mjedisore nga substancat kontaminuese /rrezikshme, me ndikim të rrezikshëm në tokë, ujë dhe ajër.</p>	<p>Në vazhdimësi dhe sipas kërkesave.</p>	<p>Inspektori i Ambientit</p>
<p>Shqyrtim i kërkesave të parashtruara nga personat fizike dhe juridike.</p>	<p>Në vazhdimësi sipas kërkesave të arritura.</p>	<p>Secili inspektor sipas fushveprimtarisë.</p>
<p>Kontrollimi i përmbajtjes së orarit të punës sipas Rregullores komunale</p>	<p>Së paku njëherë në muaj dhe sipas kërkesave dhe ankesave</p>	<p>Inspektori i Tregut</p>
<p>Zbatim i Rregullores Komunale mbi plotësimin e kushteve minimale teknike dhe sanitare nga aspekti i hapësirave punuese si dhe pajisjeve dhe stabilimenteve për punë.</p>	<p>Në vazhdimësi varësisht nga kërkesat</p>	<p>Inspektori i tregut dhe i ambientit.</p>
<p>Inspektim dhe rregullimi i tregut të gjelbër.</p>	<p>Njëherë në javë ditën e tregut</p>	<p>Inspektori i tregut</p>
<p>Inspektimi i objekteve ndërtimore pas njoftimit të organit kompetent për dhënien e lejes ndërtimore lidhur me zbatimin e lejes (në fillim dhe përfundim të punimeve)</p>	<p>Sipas nevojës</p>	<p>Inspektori i Ndërtimit</p>
<p>Inspektimi në teren për ndërtimet pa leje dhe ndërmarrja e masave parandaluese,</p>	<p>E vazhdueshme</p>	<p>Inspektori i Ndërtimit</p>
<p>Mbikëqyrje aktiviteteve më ndikim negativë në mjedis si dhe mundësitë e parandalimit të tyre.</p>	<p>E vazhdueshme</p>	<p>Inspektori i Ambientit</p>

Kontrolle/mbikëqyrje pjesës urbane dhe rurale për mbrojtje të mjedisit nga hedhja e mbeturinave amvisërisë dhe mbeturinave inerte.	E vazhdueshme	Inspektori i Ambientit
Mbikëqyrja inspektuese e subjekteve ekonomike që me veprimtarin e tyre gjenerojnë mbeturina inerte të pa rrezikshme.	E vazhdueshme	Inspektori i Ambientit
Mbikëqyrja inspektuese e operatorëve që posedojnë leje për operim me mbeturina të pa rrezikshme dhe e operatorëve që veprimtarin e kryejnë pa leje përkatëse. Mbikëqyrja e inspektuese e ndotësve të ujit, ajrit etj.	E vazhdueshme	Inspektori i Ambientit
Identifikimi i deponive ilegale dhe propozimi i masave për eliminimin e tyre	Prill	Inspektori i Ambientit
Hartimi i raporteve mujore të punës nga secili inspektor sipas lëmisë përkatëse,	Në fillim të çdo muaji për muajin paraprak	Të gjithë Inspektorët

Këto janë në parim aktivitetet e rregullta të Drejtoratit për vitin 2024 dhe tjera që do të imponohen nga kërkesat qoftë të palëve apo organeve tjera ligje zbatuese. Secili nga inspektorët do të hartoj plan detaj të aktivitetit të mbikëqyrjes inspektuese.

Kërkesë për Kryetarin e Komunës z. Bashkim Ramosaj;
Për mbarëvajtjen dhe kryerjen me sukses të punëve dhe detyrave të Drejtoratit, kërkoj nga Kryetari i Komunës që të bëjë emërimin e Shefit të Drejtoratit, pozitë kjo e mbetur e pa plotësuar për shkak të shkuarjes në pension të ish Shefit, dhe mundësisht përmes proceduarave, të bëhet zgjidhje për Inspektor të ndërtimit i cili vend mbulohet tash e sa vite me kontratë për shërbime të veçanta



Drejtori

Halil Tolaj